

incenso Portu regali (quem nescio quo casu destitutum a suis repererunt) ecce nescio quis Gallus ex ipsis qui portum [12] illum regalem deseruerant, accusationem mittit adversum me; Me videlicet germanum ac naturalem Hispanum esse atque adeo ob scelera quædam in Gallia commissa, eo redire non audere. Hic capitaneus jam infensus, nimirum dato iracundiæ colore, proponit suis ecquid sentiant. Æquumne videatur me in littus ejicere ibique deserrere? Valuit plurium opinio satius esse reducere me in Virginiam, atque ibi me infelici arbori, quam evaseram ex æquo et legibus, redonare. [13] Sic tunc evasi; sicque paulo post ad iter in Virginiam regressi sumus. Sed ecce biduo post tam sæva tempestas accedit, ut distractis navibus alii quid aliis acciderit nesciamus. Nostræ navis capitaneus postquam per tres ipse hebdomadas tempestatem sustinuit, jamque sibi plurima sed aquam maxime deesse vidi, nec esse spem Virginiae diu repetendæ; consilium cepit refugiendi ad insulas portugalensium quas terceras appellant. Hoc capto consilio ego qui parato suspendio exemptus videbar rursum incido in majus discriumen ac vere majus, quandoquidem socios hic habebam discriminis. Angli sedecim cum ad insulas [14] illas appropinquarent cogitare cæperunt actum esse de se si nos sacerdotes et jesuitæ appareremus. Illico etenim a catholicis Lusitaniæ viris nos in libertatem vindicaremur. Ipsi contra veluti piratæ ac vexatores ecclesiasticorum poenas darent. Angebat